



Komisija za Statut i akte

Broj: 04-GV-04-846/22
Sarajevo, 13.05.2022. godine

ZAPISNIK O RADU
32. SJEDNICE KOMISIJE ZA STATUT I AKTE
GRADSKOG VIJEĆA GRADA SARAJEVA
održane 13.05.2022. godine

Prisutni:

1. Toni Vukadin, predsjedavajući,
2. Adi Škaljić, po ovlaštenju umjesto Uk Nihada, člana
3. Muamer Mekić, član
4. Alma Čengić, članica
5. Selvira Vilić, članica
6. Drago Jurić, član
7. Dodik Vedran, član
8. Bajro Biber, član

Odsutan: Dženan Tikveša, zamjenik predsjedavajućeg (najavljeno odsustvo)

Sjednici iz Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuju:

- Dragana Solaković, pomoćnica Gradonačelnice za lokalnu samoupravu i razvoj grada
- Aida Bajramović, ispred Stručne službe Gradonačelnice

Predsjedavajući Komisije je u 14.15 sati otvorio sjednicu Komisije, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i usvajanjem Zapisnika o radu 31. sjednice Komisije za Statut i akte Gradskog vijeća Grada Sarajeva održane 25.04.2022. godine

Na prijedlog Predsjedavajućeg, Komisija za Statut i akte je jednoglasno usvojila **sljedeći dnevni red:**

1. Razmatranje Podneska gradonačelnice Grada Sarajeva broj: 01/13-04-3620/22
2. Razmatranje radnog materijala za utvrđivanje teksta Nacrta Statuta Grada Sarajeva
3. Tekuća pitanja

Predsjedavajući Komisije je pozdravio Irfana Čengića, predsjednika Komisije za lokalnu samoupravu Parlamenta F BiH.



TAČKA 1.

Razmatranje Podneska gradonačelnice Grada Sarajeva broj: 01/13-04-3620/22

Uvodno izlaganje i pojašnjenja dala je Aida Bajramović, ispred Stručne službe Gradonačelnice.

Stav i mišljenje iznijela je Mila Eminović, sekretar Gradskog vijeća Grada Sarajeva, te je uslijedila rasprava u kojoj su sudjelovali Toni Vukadin, predsjedavajući Komisije, Nihad Uk, član Komisije i Vedran Dodik, član Komisije.

Poslije uvodnog izlaganja i rasprave, te sažetka Predsjedavajućeg, Komisija za Statut i akte je jednoglasno usvojila sljedeće **zaključke**:

1. Komisija za Statut i akte konstatuje da je razmotrila Podnesak Gradonačelnice i utvrdila da je u materijalu za sjednicu Gradskog vijeća, prilikom predlaganja Odluke o dopunama Odluke o priznanjima i nagradi Grada Sarajeva koja je po usvajanju, objavljena u „Službenim novinama Kantona Sarajevo“, propušteno navođenje „Službenih novina Kantona Sarajevo“ broj 31/14, u kojima je bila objavljena jedna od izmjena i dopuna Odluke o priznanjima i nagradi Grada Sarajeva, te je usvojena Odluka sa ovom tehničkom greškom i objavljena.
Komisija za Statut i akte je mišljenja da se radi o očiglednoj tehničkoj grešci urađenoj pri izradi Prijedloga Odluke, budući da je u samom obrazloženju predložene Odluke bila priložena kopija izmjene i dopune Odluke o priznanjima i nagradi Grada Sarajeva objavljene u „Službenim novinama Kantona Sarajevo“ broj 31/14, a Gradsko vijeće je u tekstu sa tako učinjenom tehničkom greškom, Odluku i usvojilo.
2. Komisija za Statut i akte je mišljenja da je potrebno da Predlagač uputi prijedlog za ispravku tehničke greške sekretaru Gradskog vijeća, te da sekretar ispravku greške uputi na objavu u Službene novine Kantona Sarajevo.

TAČKA 2.

Razmatranje radnog materijala za utvrđivanje teksta Nacrta Statuta Grada Sarajeva

Kratko uvodno izlaganja je podnio Toni Vukadin, predsjedavajući Komisije. Upoznao je, odnosno podsjetio članove Komisije na akt koji je Komisiji za Statut i akte uputila Komisija za lokalnu samoupravu Parlamenta Federacije BiH, u povodu razmatranja inicijative Gradskog vijeća Grada Sarajeva upućenje Parlamentu F BiH za izmjenu Ustava F BiH s ciljem stvaranja uslova za direktan izbor gradonačelnika Grada Sarajeva.

U raspravi su učestvovali predsjedavajući Komisije Toni Vukadin, član Komisije Vedran Dodik, a Komisiji se obratio i Irfan Čengić, predsjednik Komisije za lokalnu samoupravu Parlamenta F BiH.

Poslije rasprave i sažetka predsjedavajućeg, Komisija za Statut i akte je jednoglasno usvojila sljedeće **zaključke**:

1. Komisija za Statut i akte utvrđuje prijedlog zaključka kojim bi Gradsko vijeće Grada Sarajeva Nacrt Statuta Grada Sarajeva utvrdilo i uputilo ga u javnu raspravu do 01.09.2022. godine. Predloženi zaključak sa tekstom Nacrta Statuta Grada Sarajeva koji je utvrdila Komisija za Statut i akte je u prilogu ovoga akta.
2. Komisija za Statut i akte upućuje inicijativu Gradskom vijeću da Gradsko vijeće Grada Sarajeva uputi inicijativu Kantonu Sarajevo sa tekstom amandmana na Ustav Kantona Sarajevo, formulisanim tako da se stvori pravni osnov za direktan izbor gradonačelnika Grada Sarajeva.

TAČKA 3.
Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Toni Vukadin, s.r.

Predsjedavajući Komisije je u 15.00 sati zaključio rad 32. sjednice Komisije za Statut i akte Gradskog vijeća Grada Sarajeva.